



# CONCELLO A GUARDA

(PONTEVEDRA)

## **ORDENANZA FISCAL REGULADORA DA TAXA POLA PRESTACIÓN DOS SERVIZOS DE AXUDA NO FOGAR (SAF)**

### **ARTIGO 1. FUNDAMENTO**

Polo artigo 106 da lei 7/1985 de 2 de abril, reguladora das bases do réxime local, e de conformidade co previsto nos artigos 41 a 47 e 127 do Real decreto lexislativo 2/2004, de 5 de marzo, pólo que se aproba o Texto refundido da Lei reguladora das facendas locais, este Concello establece a taxa pola prestación do servizo de axuda no fogar (en adiante, SAF).

### **ARTIGO 2. CONCEPTO**

A taxa regulada nesta ordenanza constitúe unha contraprestación pecuniaria que se satisfará polos usuarios que voluntariamente soliciten a prestación do SAF e lles sexa concedida de acordo co previsto no regulamento do servizo.

### **ARTIGO 3. SUXEITOS PASIVOS**

Serán suxeitos pasivos, obrigados ó pagamento desta taxa, as persoas que voluntariamente, ben de forma temporal ou de carácter estable, se beneficien da prestación do SAF do concello da Guarda, conforme a lei 39/2006, do 14 de decembro, pola que se regula a Promoción da Autonomía Persoal e de Atención a Dependencia e normativa de desenvolvemento da mesma e do da prestación do SAF do Consello da Guarda.

### **ARTIGO 4. CONTÍA**

Pola prestación deste servizo establécese un custo de 12,00 euros/hora, revisables ao alza en Xaneiro de cada ano, de forma automática segundo o índice de prezos ó consumo de decembro publicado polo Instituto Nacional de Estatística ou organismo que o substitúa, sen prexuízo de que deba ser obxecto doutras modificacións en función das que sufra o custo real do servizo.

### **ARTIGO 5. APORTACIÓN DO USUARIO**

De acordo co artigo 16 do regulamento de SAF do concello da Guarda, os criterios de participación no financiamento do custo do SAF por parte dos usuarios obrigados segundo pagamento serán os seguintes:

1. No caso de que a capacidade económica da persoa usuaria sexa igual ou inferior ao Indicador Público de Rendamentos de Efectos Múltiples (IPREM), quedará exenta da obriga de participar no custo do servizo.
2. Para o resto dos supostos o concello da Guarda establece a modalidade do copagamento do servizo que se reflicta na seguinte táboa:

### **TÁBOA DE COPAGAMENTO DE AXUDA NO FOGAR**

#### **INGRESOS IMPREM**

#### **COPAGO**

Entre o 100 % e o 150 %.....	10%
Entre o 150 % e o 200 %.....	12%
Entre o 200 % e o 250 %.....	15%
Entre o 250 % e o 300 %.....	20%



# CONCELLO A GUARDA

(PONTEVEDRA)

Entre o 300 % e o 350 %.....	28%
Entre o 350 % e o 400 %.....	37%
Entre o 400 % e o 450 %.....	45%
Entre o 450 % e o 500 %.....	60%
>500 %.....	65%

3. Sen prexuízo do establecido no punto anterior; poderán contemplarse excepcións aos criterios xerais no casos nos que a problemática principal atendida sexa relativa á desestructuración familiar, a exclusión social e a pobreza infantil, reflectido sempre no informe emitido polo/pola traballador/a social.
4. En todo caso , para aplicación das tarifas terase en conta o disposto na Ordenanza reguladora do servizo municipal de axuda no fogar en vigor.

## ARTIGO 6. OBRIGA DE PAGO

1. A obriga de pagar a taxa nace dende que se inicie a prestación do servizo de SAF.
2. Cando por causas non imputables ao abrigado ao pagamento do prezo, o servizo non se preste ou desenvolva, precederá a devolución do importe correspondente,

## ARTIGO 7. NORMAS DE XESTIÓN

1. O Concello unha vez iniciada a prestación do servizo, procedera a aprobar a liquidación que corresponda, na que constarán os datos precisos para a determinación do importe correspondente á mensualidade que se indique nela, emitindo a carta de pago correspondente.
2. Procederá o rateo da cota correspondente ao mes de inicio en función dos días que resten ata o último do mes, pasándose ao cobro xunto coa liquidación da primeira mensualidade seguinte. Tamén se rateará a cota mensual nos supostos de baixa no servizo que será efectiva dende o mesmo día en que se presente a solicitude de baixa ou no que esta sexa declarada de oficio.

No suposto de suspensión temporal do servizo, sempre que a suspensión estea debidamente xustificada no expediente, os obrigados terá dereito á devolución da contía correspondente ao período de suspensión, se é o caso, e regularizarse na primeira mensualidade despois de reiniciarse o servizo. De non ser posible facelo así, procederase á devolución que no seu caso corresponda á conta declarada polo beneficiario na súa solicitude de prestación do SAF. En calquera caso será imprescindible o informe social do/a traballadora/a social, que se incorporará ao expediente individual/familiar.

3. A devolución de dúas cotas mensuais consecutivas ou tres alternas por causa imputable ao obrigado ao pagamento, determinará a interrupción da prestación do servizo e declaración de baixa.
4. O pagamento efectuarase nos dez primeiros días de cada mes, mediante domiciliación bancaria.

## DISPOSICIÓN FINAL

O non previsto nesta Ordenanza fiscal será de aplicación a Ordenanza fiscal xeral , lei xeral tributaria, e restante normativa de aplicación.

A presente ordenanza entrará en vigor unha vez que se publique o seu texto íntegro no Boletín Oficial de Provincia, producirá efectos ata a súa modificación ou derogación expresa.”